



Broj: 05/1-50-13-29-31/13

Sarajevo, 11. 2. 2013.godine

## ZAPISNIK

### 31. sjednice Nezavisnog odbora Parlamentarne skupštine BiH

Sjednica je održana 11.2.2013., s početkom u 11 sati.

Sjednicu je sazvao Žiko Krunić, predsjednik Nezavisnog odbora.

Sjednici su prisustvovali: Žiko Krunić, predsjednik Nezavisnog odbora, Mato Jozić, drugi zamjenik predsjednika Nezavisnog odbora, Zijad Kadić, Stanko Nuić, Ljubomir Kuravica, Enes Obraliya i Dragan Savić, članovi Nezavisnog odbora.

Odsustvo sa sjednice opravdali su Bakir Dautbašić, prvi zamjenik predsjednika Nezavisnog odbora, i Viktor Dadić, član Nezavisnog odbora.

Sjednici su prisustvovali: Alma Salkić-Mijić, sekretar Nezavisnog odbora, Ljerka Bojić, rukovodilac Sektora za druga parlamentarna tijela u Sekretarijatu Parlamentarne skupštine BiH, te Peđa Đurasović i Ivana Lovrić iz Sektora za druga parlamentarna tijela u Sekretarijatu Parlamentarne skupštine BiH.

Sjednicu su pratili: Dijana Šatara i Senad Zlatar, predstavnici OHR-a, i Zoran Brkić iz Sektora za odnose s javnošću Sekretarijata Parlamentarne skupštine BiH.

Predsjednik Nezavisnog odbora Žiko Krunić konstatirao je da postoji kvorum za rad i otvorio sjednicu.

Nezavisni odbor jednoglasno je usvojio predloženi

## DNEVNI RED

1. Usvajanje Zapisnika 30. sjednice, održane 5. 12. 2012.;
2. Razmatranje Prijedloga izvještaja o radu Nezavisnog odbora za 2012. godinu;
3. Razmatranje Prijedloga plana rada Nezavisnog odbora za 2013. godinu;
4. Razmatranje Informacije o problemima u radu Državne agencije za istrage i zaštitu, dostavljene na osnovu zaključka Nezavisnog odbora s 30. sjednice; broj 05/1-50-13-29-30/12;
5. Razmatranje Dopune informacije o problemima u radu Granične policije BiH, broj 05/1-50-13-29-30/12;
6. Informacija Državne agencije za istrage i zaštitu dostavljena u skladu sa zaključkom Nezavisnog odbora sa 30. sjednice; broj 05/1-50-13-29-30/12;

## 7. Tekuća pitanja:

- Zabilješka sa sastanka članova Nezavisnog odbora s direktorom i zamjenikom direktora Direkcije za koordinaciju policijskih tijela BiH
- Obavještenje rukovodioca Sektora za druga parlamentarna tijela o potrebi pokretanja procedure za izbor novih članova Nezavisnog odbora i Odbora za žalbe građana.

### **Ad.1. Usvajanje Zapisnika 30. sjednice, održane 5. 12. 2012.**

Predsjednik Nezavisnog odbora Žiko Krunić otvorio je raspravu o ovoj tački dnevnog reda.

S obzirom da nije bilo primjedbi, Zapisnik 30. sjednice, održane 5.12.2012., usvojen je jednoglasno.

### **Ad.2. Razmatranje Prijedloga izvještaja o radu Nezavisnog odbora za 2012. godinu**

Predsjednik Nezavisnog odbora podsjetio je članove da je, u skladu sa Zakonom o nezavisnim i nadzornim tijelima policijske strukture BiH, dužnost predsjednika da podnese godišnji izvještaj o radu Parlamentarnoj skupštini BiH, nakon što ga usvoji Nezavisni odbor.

Konstatirao je da je Prijedlog izvještaja o radu Nezavisnog odbora za 2012. godinu dostavljen uz poziv za sjednicu.

Otvorio je raspravu o predloženom Izvještaju o radu Nezavisnog odbora za 2012. godinu. Član Odbora Stanko Nuić predložio je da se u Poglavlju III. u Odjeljku C. Realizacija zadataka kroz održavanje sastanaka s rukovodiocima policijskih tijela BiH u skladu s Planom rada za 2012. godinu na kraju doda tekst: „Na kraju je potrebno dodati da je u izvještajnom periodu Nezavisni odbor ostvario intenzivnu saradnju s rukovodiocima policijskih agencija BiH, te iskazao inicijativu i volju za pomoć pri rješavanju problema s kojima se u radu susreću direktori i zamjenici direktora. Nezavisni odbor smatra da ovakav vid saradnje treba nastaviti i ubuduće.“

Izvještaj o radu Nezavisnog odbora Parlamentarne skupštine BiH za 2012. godinu usvojen je jednoglasno s primjedbom Stanka Nuića.

### **Ad.3. Razmatranje Prijedloga plana rada Nezavisnog odbora za 2013. godinu**

Predsjednik Nezavisnog odbora u uvodu je istaknuo da je, prema Zakonu o nezavisnim i nadzornim tijelima policijske strukture BiH, obavezan dostaviti Nacrt plana rada Nezavisnog odbora i, nakon što ga Nezavisni odbor odobri, proslijediti ga Parlamentarnoj skupštini BiH na usvajanje.

Otvorio je raspravu o dostavljenom Prijedlogu plana rada Nezavisnog odbora za 2013. godinu.

S obzirom na to da nije bilo primjedbi, Plan rada Nezavisnog odbora Parlamentarne skupštine BiH za 2013. godinu usvojen je jednoglasno.

#### **Ad.4. Razmatranje Informacije o problemima u radu Državne agencije za istrage i zaštitu, dostavljene na osnovu zaključka Nezavisnog odbora sa 30. sjednice, broj 05/1-50-13-29-30/12**

Predsjednik Nezavisnog odbora u uvodu je podsjetio da je Nezavisni odbor na 1. hitnoj sjednici, održanoj 14. 9. 2012., usvojio **zaključak** da se uputi dopis direktorima Direkcije za koordinaciju policijskih tijela BiH, Državne agencije za istrage i zaštitu i Granične policije BiH da Nezavisnom odboru dostave pisani akt koji će sadržavati listu problema s kojima se susreću u radu i što otežava rad ovih agencija, o čemu bi Nezavisni odbor informirao Parlamentarnu skupštinu BiH, te na 30. sjednici usvojio zaključak da uputi urgenciju direktoru Državne agencije za istrage i zaštitu da postupi po zaključku Nezavisnog odbora. Postupajući po tom zaključku, direktor Državne agencije za istrage i zaštitu dostavio je traženi akt.

Otvorio je raspravu o ovoj tački dnevnog reda. U raspravi su članovi Nezavisnog odbora ocijenili probleme s kojima se u radu susreću rukovodioci Državne agencije za istrage i zaštitu evidentnim.

Nakon rasprave, Nezavisni odbor jednoglasno je usvojio **zaključak** da upozna Parlamentarnu skupštinu BiH o navedenim problemima Državne agencije za istrage i zaštitu, kako bi Parlamentarna skupština BiH, u saradnji s Vijećem ministara BiH i drugim nadležnim institucijama, pomogla u njihovom rješavanju.

#### **Ad. 5. Razmatranje Dopune informacije o problemima u radu Granične policije BiH, broj 05/1-50-13-29-30/12**

Predsjednik Nezavisnog odbora u uvodnim napomenama naglasio je da je direktor Granične policije BiH, postupajući po zaključku Nezavisnog odbora sa 30. sjednice, održane 5. 12. 2012., kojim se od Granične policije BiH tražilo da dopuni svoju informaciju u kojoj su nabrojani problemi, tako da se navede šta je Granična policija BiH preduzimala u vezi s nabrojanim problemima, kojim institucijama i organima se obraćala, te da precizira za koje od navedenih problema se smatra da mogu biti razmatrani u okviru nadležnosti Nezavisnog odbora Parlamentarne skupštine BiH, dostavio dopunjenu informaciju.

Otvorio je raspravu o ovoj tački dnevnog reda. U raspravi su članovi Nezavisnog odbora ocijenili probleme s kojima se u radu susreću rukovodioci Granične policije BiH evidentnim.

Nakon rasprave, Nezavisni odbor jednoglasno je usvojio **zaključak** da upozna Parlamentarnu skupštinu BiH o navedenim problemima Granične policije BiH, kako bi Parlamentarna skupština BiH, u saradnji s Vijećem ministara BiH i drugim nadležnim institucijama, pomogla u njihovom rješavanju.

#### **Ad.6. Informacija Državne agencije za istrage i zaštitu dostavljena u skladu sa zaključkom Nezavisnog odbora sa 30. sjednice; broj 05/1-50-13-29-30/12**

Predsjednik Nezavisnog odbora u uvodu je podsjetio članove da je Državna agencija za istrage i zaštitu dostavila Nezavisnom odboru akt broj 16-01/1-04-1-3066-4/12, od 14.11.2012., koji je Nezavisni odbor razmatrao na 30. sjednici, održanoj 5. 12. 2012. Nezavisni odbor je na toj sjednici usvojio zaključak kojim od Državne agencije za istrage i zaštitu traži da mu dostavi kompletnu informaciju o navodima iz tog akta, kako bi mogao postupiti u skladu sa svojim nadležnostima.

Postupajući po zaključku Nezavisnog odbora, direktor Državne agencije za istrage i zaštitu dostavio je traženu informaciju.

Nakon toga, Krunić je otvorio raspravu o ovoj tački dnevnog reda.

U raspravi su učestvovali svi članovi Nezavisnog odbora.

Nakon rasprave, sa šest glasova "za" i jednim "suzdržanim" glasom, Nezavisni odbor odlučio je da sačeka odluku Suda BiH i Tužilaštva BiH o ovom pitanju.

#### **Ad.7. Tekuća pitanja**

- Zabilješka sa sastanka članova Nezavisnog odbora s direktorom i zamjenikom direktora Direkcije za koordinaciju policijskih tijela BiH

Članovi Nezavisnog odbora primili su k znanju Zabilješku sa sastanka članova Nezavisnog odbora s direktorom i zamjenikom direktora Direkcije za koordinaciju policijskih tijela BiH.

- Obavještenje rukovodioca Sektora za druga parlamentarna tijela o potrebi pokretanja procedure za izbor novih članova Nezavisnog odbora i Odbora za žalbe građana.

Članovi Nezavisnog odbora primili su k znanju obavještenje rukovodioca Sektora za druga parlamentarna tijela.

Sjednica je završena u 12 sati.

Sekretar  
Nezavisnog odbora  
Alma Salkić-Mijić

Predsjednik  
Nezavisnog odbora  
Žiko Krunić